

ANJELY MPIAMBINA

Isika olombelona dia manana Anjely mpiambina tsirairay, tsy dia zava-dehibe ny fahafantarana ny anarany fa rehefa conscient ianao fa eo izy dia izay no zava-dehibe.

Anio dia hijery teknika firesahana azy isika, tsy ankanavaka finoana, tsy ankanavaka firazanana satria tsy misy salamo hovakiana eto.

Ndao ary :

Makà taratasy fotsy iray sy stylo manga.

Soratanao ery ambony ny daty anoratanao azy, ary midina kely eo ambany ny anaran'ily Anjely.

Raha tsy hainao ny anarany dia tsy mampaninona izany fa soloy hoe : “Ry Anjeliko”.

Midina andalana ianao ary soraty eo daholo izay ao antsainao rehetra, izay hetahetam-ponao na fahasalamana na fidiram-bola na resaka olontiana sns... Aza mitady hevitra elabe fa izay mandalo ao andohanao amin'io fotoana io dia soraty ao daholo.

Rehefa voasoratra ny hetahetanao dia asio soniana ery ambany afovoany.

Vita izay dia raiso eo amin'io soniana io ny taratasy ary maka afokasoka na briquette ka dory manakaiky fanariana rano maloto (mba tsy ho may ny Tanana). Ny fomba fandoran'azy dia izao, raisonao eo amin'ny Sonia ilay taratasy ka ny sisiny ankavia ambony mankany ankavanana no dorana dia midina tsikelikely. Rehefa hitanao fa miha akaikin'ny tananao ilay izy dia alatsaho anaty rano maloto mba tsy ho may ny Tanana.

Inona ary no dikan'izay ?

Ny zavatra dorana na taratasy na sorona dorona atao fanatitra sns dia mankao amin'ny 4ème dimension (monde astral), ka ny endrika astral an'iny taratasy sy soratra iny no miditra ao amin'ny plan astral mba hamakian'ny Anjely azy fa ny taratasy hitanao maso teo efa may ary tsy nisy nahita afatsy ianao.

Ho hitanao fa hivaly ny hetahetanao na ho ela na ho haingana, aza adino ny misaotra ny Anjely mpiambina anao amin'ny alalan'ny fitiavana, eny fa na dia manao “Manao ahoana ianao ry Anjeliko!” azy aza ianao isaky ny mifoha maraina na Miarahaba azy dia efa zava-dehibe aminy izay ary faly izy fa fantatrao hoe eo aminao foana izy.

Izay indray ary ny androany, ataoko fa zavatra tsotra nefa mahomby ary afaka averimberinao amin'ny fotoana itiavanao azy.